


Awe ta dia importante pa Museo Arquelogico

Number ta cambia pa Stichting Juan Mario Odor



ORANJESTAD (AAN): Awe dialuna 16 di juni 2003 ta un dia hopi special pa Museo Numismatico Aruba y Museo Antiquedad Aruba. E motibo ta cu awe tardi 3 or lo firma na notaris pa cu e stichting su organization nobo. Ta asina cu antes e stichting tabata yama : Stichting Museo Numismatico.


Awor e Stichting a ser nombra: Stichting Juan Mario

Odor.

E motibo tras di esaki ta simplemente Museo Antiquedad no tabata forma parti di e stichting bieu siendo cu e tambe ta pertenesce na un di coleccionan cu Sr. Juan Mario Odor a laga atras pa worde cuida y sostene. Stichting Juan Mario Odor su meta principal ta pa cuida, organiza y expone e trabaonan cu sr. Juan Odor a laga atras

pa Aruba. Awor Museo Antiquedad Aruba tambe ta cla pa por haya subsidio di gobierno y otro instancianan. Nos ta sumamente contento cu reorganization ta canando. Kisas mucho poco pero den bista di hende pero situacion financiero no ta duna pa haci stapnan grandi. Directie ta kere cu ta mihor stap chiquito pero stap sigur cu stapnan grandi pero fofu.


Museo Numismatico Aruba tambe ta den ful swing cu nan proyecto di "Numismatic timeline Aruba". E fotonan aki ta duna un bista mas o menos con nos trabaonan ta bayendo. Museo Numismatico lo ta habri pa publico luna di September 2003 pa e exposicion temporal cu nan ta organizando. Pa traha e poster y booklet di e proyecto aki Museo Numismatico ta



depende di subsidio. Nos ta spera subsidio di por ehemplo banconan cu tin di haber cu plaka en general. Nos a manda peticion pa subsidia e poster aki na diferente banco.

Nos ta spera di haya cooperacion pa realiza e posternan aki ya cu nan ta informativo pa henter pueblo, sin lubida nos jovenan cu lo haya un bista amplio loqual ta e historia di Aruba ,mira atraves di monedanan. Un exposition sigur sumamente importante ya cu ta pa promer biaha cu nos historia numismatico (plaka) ta worde poni den forma di project. E proyecto lo muestra:

(*) Ki tipo di monedanan tabata den circulacion riba e islanan for di tempo di colo-



nisation Spanjo te cu awor. (periodo 1499-2003)

(*) E nomber nan cu ser duna na cierto monedanan y e storia su tras.

(*) Casi tur moneda Museo Numismatico Aruba tin den su poder cual ta algo sumamente interesante y ta muestra alvez pakico nos ta e museo di plaka mas grandi den Caribe.